



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 726. Usque Ad Annum 813

**Fleury, Claude**

**August. Vind. [u.a.], 1760**

**VD18 90117859**

§.40. Papa Exarcho præbet auxilium.

---

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

Sæcul. VIII.  
A. C. 744.

*S. Petri præcipimus, ne quemquam Sacris operari patiaris, qui Canones non observat. Quia etiam ex nobis quaesivisti, an tibi in Provincia Bojoariæ prædicandi jus sit, quod tibi Antecessor noster concesserat, respondemus, quod nullatenus restringamus potestatem tibi datam, sed ampliemus, ita ut quoad vivas omnes illos, quos contra fidem vel Canones errare cognoveris, non in Bojoaria modo, sed in universis Galliis nostra Auctoritate corripias.*

## §. XL.

*Papa Exarcho præbet auxilium.*

*Anast.*

Istarum Epistolarum subscriptio (\*) monstrat, Papam tunc quoque se Imperatori Constantinopolitano subditum professum fuisse; Quippe etiam Zacharias sub initium Pontificatus sui misit pro more Epistolam suam Synodicam, Fidei suæ Confessionem continentem, cum Epistola ad Constantinum Imperatorem data; at ipsius Legati Constantinopolim pervenientes Artabastum in Palatio dominantem invenerunt.

Interim Pontifex in Italia pro Bono Imperii vigilabat. Nam in æstate undeci-

(\*) Nempe: Imperante Domino piissimo Augusto Constantino, a Deo coronato magno Imperatore, anno 83c.

decimæ Indictionis, seu anno septingen-  
 tesimo quadragesimo tertio, cum Provin-  
 cia Ravennatensis premeretur a Rege A. C. 744.  
 Luitprando, etiam ad obsidendam Civi-  
 tatem imminente, Euty chius Exarchus,  
 Joannes Archiepiscopus Ravennatensis,  
 ejusdem urbis, Pentapolis, & Æmiliæ  
 cives datis ad Papam litteris rogave-  
 rant, ut in auxilium veniret. Papa Le-  
 gatos cum donis ad Regem misit, & cum  
 nihil impetrasset, ipse Ravennam se con-  
 tulit.

Pontificem advenientem excepit po-  
 pulus clamans: *Benedictus sit Pastor no-  
 ster, qui relictis ovibus suis, ut nos pe-  
 rituros servaret, advenit!* Ravenna Pon-  
 tificem ad Regem Luitprandum præmisit,  
 qui nunciarent, se ad eum venire. No-  
 lebat Rex Legatos in conspectum admit-  
 tere; sed Papa contempto periculo Ra-  
 venna excedens ad Padum amnem die  
 Veneris vigesimo octavo Junii pervenit.  
 Tunc vero misit Rex ex purpuratis ali-  
 quos, qui magno honore exceptum Tici-  
 num perduxerunt. Prius vero, quam  
 Regem adiret, quia Vigilia erat S. Petri,  
 ad hujus Sancti Ecclesiam, quæ Cælum  
 aureum dicebatur, se contulit, & preces  
 ad horam nonam persolvit. Altero die  
 a Rege rogatus ibi Missam celebravit, &  
 deinde Regiæ mensæ assedit. Rogabat  
 Regem Papa, ut promitteret, se in Pro-

Sæcul. VIII. A. C. 744. vinciam Ravennatensem copias non amplius immissurum, & captas urbes, præsertim Cefenam, redderet. Postquam Rex diu repugnasset, tandem in hæc pacta consensit; ut Ravennatibus omnes ditiones, quas prius habebant, restitueret, & duas partes Territoriæ Cefenatis, retentis tertia parte & ipsa urbe pignoris loco usque ad primum diem Junii anni sequentis, quo Legati ipsius Constantinopoli redituri essent.

Papa receptis urbibus Romam reversus Festum SS. Petri & Pauli, verisimiliter die octava (\*), iterum celebravit.

## §. XLI.

*Concilium Romanum.*

Haud multo post tempore, Indictione duodecima ineunte, Zacharias Papa Concilium Romæ in Ecclesia Sancti Petri, convocatis Episcopis ex tota Italia quadraginta, Presbyteris viginti duobus, Diaconis sex & omnibus reliquis Romanis Clericis, celebravit. Inter nomina vix unum barbarum occurrit; unde perspicitur, vix alios quam Romanos ad ordines Clericales fuisse admissos.

(\*) Hier kann man sehen, was unser Protestant für ein erfahrner Rubricist sey. Die octava hat er gegeben: Am Tage des Octavius. Seite 269.